

Foras de inoi, unu contu chi chistionat de solidadiedadi, respetu de sa diversidadi e amighèntzia



In unu giardinu pùblicu unu politziotu fait acapiai totu is chi funt chentza de documentus: una fèmina africana chi ddus at lassaus in domu sua, unu gatu birdi chi pensat de non nde tènniri bisòngiu poita est unu gatu, unu piconeddu chi ddi pargit a brullai. Ma custu est tropu! Biendu totu custu, unu pipiu s'indignat po su cumportamentu

de su politziotu. Duncas inci pigat a pitzu de su furgoni de sa politzia po abarrai paris cun is atrus. In su giardinu no est abarrau prus nemus po pòdiri giogai. Ma ite sutzedit si fintzas su soli est chentza de de carta de identidadi?

Su contu Foras de inoi est ispiradu a su libru Via di qua! de Henri Meunier , Nathalie Choux publicau de Jaca Book in sa collana Ragazzi. Est una stòria bella chi donat a is piciocheddus unu messàgiu balenti: teneus totus is pròpius dritus e èssiri diversus s'unu de s'atru nos fait personis ùnicas e spetzialis. Unu contu profundu chi cun disegnus simpris e unu testu curtzu mustrat a is prus piticos chi non depeus tènniri timoria de chini est diversu de nosu. A bortas a palas de sa diversidi si cuat un'errichesa manna.

Una stòria chi afrontat, cun grabu unu tema in manera atuali: s'ospitalidadi de is stràngius in is biddas e in is citadis nostras.